



## TOSHKENT DAVLAT YURIDIK UNIVERSITETI REKTORINING B U Y R U G ' I

19.11.2024

820-tm-son

### Talabaga hayfsan e'lon qilish to'g'risida

Bugungi kunda universitetda zamonaviy xalqaro standartlarga javob beradigan yuqori malakali yuridik kadrlarni tayyorlash maqsadida talabalarni ma'naviy-axloqiy tarbiyalash, huquqiy madaniyati va ongini oshirish bo'yicha samarali tizimni yaratish, ularda yuksak ma'naviy-axloqiy fazilatlarni shakllantirish hamda rivojlantirish maqsadida bir qator kompleks chora-tadbirlar amalga oshirilmoqda.

Shunga qaramasdan ayrim talabalar tomonidan TDYU Odob-axloq kodeksini buzish holatlari kuzatilmoqda.

Jumladan, talaba TDYU Xalqaro huquq va qiyosiy huquqshunoslik fakulteti 2-kurs talabasi Azamatov Amirjon Shoxruxovich 2024-yil 14-noyabr kuni universitetning 2-binosi 303-xona oldida kursdoshlari bilan o'zaro gaplashayotgan vaqtda turli xil behayo so'zlar ishlatib gapirgan. Bu holatda Davlat boshqaruv kafedrası mudiri o'rinbosari X.Abdullayev talabadan so'kinmasdan gaplashishni so'raganda X.Abdullayevga nisbatan ham qo'pol munosabatda bo'lgan.

TDYU Xalqaro huquq va qiyosiy huquqshunoslik fakulteti 2-kurs talabasi Azamatov Amirjon Shoxruxovich mazkur harakatlari bilan TDYU Odob-axloq kodeksi 18-moddasining 2-xatboshisi (Xodim, talaba va doktorantlarning o'zaro munosabatlarida inson qadr-qimmatiga hurmatsizlik, shaxsiyatni kamsitish, o'zganing intellektual mulki yoki boshqa ijod mahsulini ruxsatsiz o'zlashtirib olish, **qo'pollik, behayo so'zlar ishlatish**, mushtlashish qat'iyman man etiladi) talablarini buzgan.

Muqaddam, TDYU Xalqaro huquq va qiyosiy huquqshunoslik fakulteti 2-kurs talabasi Azamatov Amirjon Shoxruxovich 2024-yil 16-oktabr kuni TDYUga belgilangan normalarga zid holatda (qora ko'ylak) kiyinib kelgan hamda mazkur holat yuzasidan talaba Azamatov Amirjon Shoxruxovich o'z tushuntirish xatida o'z harakatlarini haqiqatdan ham tan olgan. Mazkur holat yuzasidan talaba Azamatov Amirjon Shoxruxovichga Xalqaro huquq va qiyosiy huquqshunoslik fakulteti dekani tomonidan 2024-yil 14-noyabrda ogohlantirish e'lon qilingan.

TDYU Odob-axloq kodeksining 18-moddasining 2-xatboshisi hamda universitetning Ichki tartib qoidalari 83-bandiga asosan

**BUYURAMAN:**

1.TDYU Odob-axloq kodeksi 18-moddasining 2-xatboshisi talablarini buzganligi uchun TDYUning Xalqaro huquq va qiyosiy huquqshunoslik fakulteti 2-kurs talabasi Azamatov Amirjon Shoxruxovichga hayfsan e'lon qilinsin.

2.Fakultet dekanlari (D.Umarxanova, D.Kamalova, B.Musayev, Sh.Saydullayev, A.Babadjanov) mazkur buyruq mazmun-mohiyati talabalar e'tiboriga yetkazilishi ta'minlasin.

3.Xalqaro huquq va qiyosiy huquqshunoslik fakulteti dekani (D.Umarxanova):

mazkur talabaning shaxsiy hujjatlar yig'majildiga buyruq nusxasi tikilishini ta'minlasin;

boshqa nojo'ya harakat takror sodir etilsa, talabani talabalar safidan chetlashtirish mumkinligi to'g'risida ogohlantirsin.

4.Mazkur buyruq bajarilishini nazorat qilish prorektor A.Xashimhonov zimmasiga yuklansin.

**Rektor v.v.b.**



**I.RUSTAMBEKOV**

Toshkent shahar

**Kiritildi:**

Dekan (fan doktori yoki fan doktori  
(Doctor of Science) ilmiy darajasiga  
yoki xorijiy davlatlarning unga  
tenglashtirilgan boshqa ilmiy  
darajalariga yoki professor ilmiy  
unvoniga ega bo'lgan)

D.UMARXANOVA

**Kelishildi:**

Direktor

SH.PO'LOTOV



Yoshlar masalalari va ma'naviy-  
ma'rifiy ishlar bo'yicha birinchi  
prorektor

A.XASHIMHONOV



Katta yuriskonsult

A.TURSUNOV

